



Publicaziuns dalla vischnaunca, jamna 19

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2020-1075.000

Leslie e Placi Flury, Via Caschuarz 4, 7180 Disentis/Mustér; construcziun dad ina casa d'ina famiglia, parcella 541 (3978), Via Clis 19, 7180 Disentis/Mustér.

Disentis/Mustér, ils 14 da matg 2021
Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2021-2025.000

Ursula e Marcus Huonder-Flury, Via Dulezi 1, 7180 Disentis/Mustér; reconstrucziun dalla bargia, parcella 932, Via Scaletta 3, 7180 Disentis/Mustér.

Nr. 2021-2037.000

Kai Hinrichsen-Tuor, Via Dulezi 21, 7180 Disentis/Mustér; remplazzament dalla marchisa existenta cun ina pergola-marchisa, parcella 603, Via Dulezi 21, 7180 Disentis/Mustér.

Disentis/Mustér, ils 14 da matg 2021
Uffeci da baghegiar Disentis/Mustér

Cussegl da vischnaunca

Ils cussegls da vischnaunca da Tujetsch e Mustér seradunan **venderdis, ils 21 da matg 2021**, allas 2015 el Center Fontauna a Mustér.

Tractandas:

1. Beinvegni
2. Introducziun entras ils presidents communalis
3. Presentaziun dalla carta da hosps (SDT) e la nova carta per indigens (vischnauncas)
4. Informaziuns e posiziun dad Andermatt Sedrun Disentis Marketing AG
(Bergbahnen Disentis AG ed Andermatt Sedrun Sportbahnen AG)
5. Cuorta introducziun messadi
6. Debatta d'entrada e detagliada comunabla (vischnaunca da Mustér e Tujetsch)
7. Decisiun (vischnaunca Tujetsch)
8. Decisiun (vischnaunca Mustér)
9. Finiziun

Il president dil cussegl da vischnaunca



Ordinaziun da traffic, communicaziun officiala

La suprastonza communal da Disentis/Mustér ha sin fundament digl art. 7 al. 1 e 2 - LitLTV – suenter haver risguardau la posiziun davart vischinas e vischins - approbau la signalisaziun «scamond per vehichels a motor e motos» (sig. 2.13) per suandontas vias da meglieraziun sin territori communal:

- Disentis/Mustér, via da cultivaziun Rieven, denter la Via Lucmagn e la Via Sontga Gada
2 707 976 / 1 173 146 e 2 708 307 / 1 173 340;
- Disentis/Mustér, Via Sontga Gada, naven dalla parcella 2857 en direcziun Sontga Gada
2 707 961 / 1 173 045;
- Disentis/Mustér, via da cultivaziun Prau, ad Acla da Fontauna en direcziun Fontauna Sut
2 707 624 / 1 172 784;
- Disentis/Mustér, via da cultivaziun Tguinter, naven da Segnas entochen Mumpé Tujetsch (en omisduas direcziuns) ed a Mumpé Tujetsch la via da cultivaziun en direcziun Tschuppina
2 706 305 / 1 172 319 e 2 706 113 / 1 171 259;
- Disentis/Mustér, Segnas, via da cultivaziun Raviul, denter la parcella 219 e la Via Alpsu H19 e la via da cultivaziun en direcziun Raviul / Valleis
2 706 313 / 1 171 992 e 2 706 532 / 1 171 706;
- Disentis/Mustér, via da cultivaziun Quadras, a Brulf en direcziun Quadras
2 709 289 / 1 173 527;
- Disentis/Mustér, via da cultivaziun Turtengia, a Clavaniev en direcziun Turtengia ed a Val Mala en direcziun Clavaniev
2 707 412 / 1 173 672 e 2 708 139 / 1 173 968.

1. Questa decisiun entra en vigur suenter la scadenza dil termin legal da recuors cun montar la signalisaziun (tenor disposiziun dalla polizia cantunala).

2. Encunter questa decisiun sa sebasond sin art. 49 ss dalla lescha davart la giurisdicziun administrativa (LGA; DG 370.100) vegnir recurriu a scret enteifer 30 dis dapi la publicaziun alla Dertgira administrativa dil cantun Grischun. Il recuors sto vegnir inoltraus en dubel e sto cuntener las pretensiuns da dretg, ils fatgs ed ina motivaziun. Ils mussaments ston vegnir indicai exactamein e ston, aschinavon ch'els sesanflan en possess dil recurrent, vegnir inoltrai ensemen cun la decisiun presenta. Il recuors sto vegnir suttascrets dalla recurrenta ni dil recurrent ni entras siu representant.

Disentis/Mustér, ils 10 da matg 2021
Suprastonza communal

Nova publicaziun

1. La suprastonza communal da Disentis/Mustér preveda d'introducir la suandonta restricziun da traffic per las vias da cultivaziun, Via Casarsa e Via Narliun: **Scamond per vehichels a motor e motos (sig. 2.13)**
Tabla supplementara: excepiu traffic agricol e forestal

- Disentis/Mustér, via da cultivaziun Casarsa e Narliun, denter Madernal e Disla
2 711 106 / 1 175 005 e 2 709 990 / 1 174 382;

2. Questa mesira duei evitar ch'ei vegni carrau senza basegns sin sura vias da cultivaziun.

3. La restricziun da traffic planisada ei vegnida approbada ordavon entras la polizia cantunala a basa digl art. 7 al. 2 LitLTV.



4. Objecziuns e posiziuns en connex cun las ordinaziuns da traffic previdas san vegnir inoltradas a scret enteifer 30 dis suenter la publicaziun alla suprastanza communal da Disentis/Mustér. Sunter l'examinaziun dallas posiziuns inoltradas decida la vischnaunca e publichescha siu conclus el «Fegl official cantunal», ensemen cun ina indicaziun dils mieds legals, per recuorer alla dertgira administrativa.

Disentis/Mustér, ils 10 da matg 2021
Suprastanza communal

Administraziun communal

Muort il firau da **gliendisdis Tschuncheismas, ils 24 da matg 2021**, resta l'administraziun communal **serrada quei di**.

Bien engraziament per Vossa capientscha.
Administraziun communal

Via Run e Via Funs-Dado, cuvrida fina (novs termins)

Muort las lavurs vid la cuvrida fina sto il traffic sin la Via Run e la Via Funs - Dado vegnir interruts e quei mintgamai:

Mardis, ils 18 da matg 2021, naven dallas 7.30 entochen allas 18.00.
Mesjamna, ils 19 da matg 2021, naven dallas 7.30 entochen allas 18.00.

Duront quei temps ei igl access motorisau tier las casas alla Via Run, Via Latis e Via Funs - Dado buca pussevils. Aschinavon che l'aura ni las temperaturas lubeschan buca l'exequziun dallas lavurs vegnan quellas spustadas sin pli tard.

Uffeci da baghegiar ed infrastruttura Disentis/Mustér

Serrada vias d'uaul muort lavurs da construcziun

Duront il temps da baghegiar ston ils tschancuns dils plazzals da construcziun vegnir serrai pil traffic motorisau. En cass da viadis urgents en favur dall'agricultura san ils pertuccai secunvegnir directamein cugl impressari el liug. Il stan actual davart las restricziuns vegn communicaus silla pagina d'internet www.disentis.ch/strassen. Muort ils plazzals pretensius sa ei dar midadas dallas restricziuns da traffic era a cuorta vesta.

Plaun Menisch: Plaunca Su – Pardi

Da Plaunca Su entochen Pardi resta la via serrada **entochen igl atun**. Per contonscher ils mises a Plaun Menisch exista la pusseviltad da carrar sur la Val da Segnas. Impressari: Berther Bau und Industrie AG, Ibrahim Bajraktaraj, 079 433 13 10.

Val Runtget: Cavardiras – Caischavedra

La via ei serrada suenter l'Acla da Runtget entochen las Aclas da Cavardiras. Las lavurs cuozan **entochen ils 18 da zercladur 2021**. Gest tenor avanzament dallas lavurs sa la via vegnir dada libra duront certas fins d'jamna. Duront las lavurs da scavament ei quei denton buca pusseivel. Impressari Ribbert AG, Marco Graber 079 247 97 01.

Via Run: Marietta–Plaun Tir

Naven dalla Marietta entochen Sils Bletschs ei la via serrada **naven da gliendisdis, ils 17 da matg 2021 entochen ils 25 da zercladur 2021**. Impressari Josef Gall, 079 216 07 51. Las reparaturas vid la via naven dalla Truaisch entochen la tegia da Plaun Tir vegnan exequidas naven da miez zercladur entochen la fin d'uost 2021. Igl access sin quei tschancun ei sulettamein pussevils pil traffic plaun.



Via Cavorgia: Mises las Cavorgias–Camacher–Riada

Muort la situaziun da neiv ei il termin per entscheiver cullas lavurs da reparatura aunc buca definitus.

Nus supplichein da prender enconuschientscha da quest avis ed engraziein per la capientscha.
Uffeci forestal Disentis/Mustér

Controlla da habitonts

Naschientscha

Loui Schmed, naschius igl 1. da matg 2021, fegl da Daniela e Tomas Schmed

Mortori

Maria Anna Stagnoli-Simonet, naschida ils 6 da december 1925, morta ils 10 da matg 2021

Uniun fallun e cascharia Disla

Di dils mulins 2021, uonn negina fiasta

Muort las prescripziuns da Covid-19 eis ei a nus buca pusseivel da menar atras la fiasta usitada.

Grond engraziament per Vossa capientscha e sin bien seveser el 2022.
La suprastonza

Di svizzer da preleger

Mesjamna, ils 26-5-2021, ha liug il Di svizzer da preleger gia per la quarta ga. L'autura indigena Sabrina Venzin prelegia ord siu cudisch «Tomo va a scola».

Cu? allas 14.00

Nua? en la Biblioteca populara Disentis/Mustér e contuorn

Tgi? per affons che teidlan bugen historias

Nus supplichein da s'annunziar entochen ils 25-5-2021 sut biblioteca@disentis.ch. Il diember da plazs ei limitaus. Senza accumpignament. Nus selegrein sin tia viseta!

Il team dalla biblioteca populara Disentis/Mustér e contuorn
